

Las consonantas "nasaus" :

Letra	Plaça	Se pronóncia :	Exemple :
m*	Pertot tirat en fin de mòt e davant -b,-p e -t ,	coma en francés.	
	Davant -b,-p e -t	"n".	
	En fin de mòt,	- "m". - "n" en Gasconha tolosenca e Haut-Ador. - coma lo "ng" de "ping" en lo Gèrs, Comenge e las grandas vaths de la periferia èst de tota la Gasconha. - coma lo francés "nh" en endrets dau Nòrd e de l'Èst.	
n	Pertot seguida d'una vocala,	coma en francés.	
	Seguida per d, f, h, j, l, r, s, t, z,	"n" shens modificar la vocala que davanteja.	
	Seguida per un c o un g durs,	- "n" dens la màger part dau Bearn e de la Bigòrra (la vocala que la davanteja serà mei o mensh nasalizada). - coma lo "ng" de "ping" (shens modificar la vocala que davanteja) dens la rèsta de la Gasconha.	
	En fin de mòt tirats los vèrbes,	- coma lo "ng" de "ping" (shens modificar la vocala que davanteja) dens la màger part de la Gasconha**. - pas briga en Bigòrra e las hautas vaths bearnesas. - pas mès provoca la nasalizacion de la vocala que davanteja dens la rèsta dau Bearn***.	
	En fin de mòt e precedit d'un "r" ,	- pas en sud-gascon. - "rn" o "nn" en nòrd-gascon.	
	En fin de vèrbe,	- "n". - coma lo "ng" de "ping" (shens modificar la vocala que davanteja) dens l'Òlt e Garona e una grand part dau Gèrs e dau Comenge.	
	En fin de mòts particulars****,	"n".	

* au contrari dau francés, lo **m** ne modifica pas la prononciacion de la vocala que la davanteja.

** A còps, a l'Èst, lo **s** dau plurau hèi desaparéisher lo "ng".

*** A Salias, la nasalizacion dau **e** entraïna son obertura en è e sa diftongason en i

**** S'agís de mòts ancians conservats atau, d'emprunts, de petits noms, de toponimes o lavetz de la tresau persona daus vèrbes en **-éner** e en **-óner**.

"Letras estrangèiras" e prononciacion daus "mòts estrangèirs"

Las letras **k, w e y** son consideradas coma estrangèiras a l'alfabet de la grafia classica occitana. Naturaument seràn utilizadas praus mòts que son de non pas tradusir o de mau transcriver.